

# INUIT ATAQATIGIIT

## Inatsisartuni



24.06.2019

Inatsisartut Suleriaasianni § 37 imm. 1 naapertorlugu Naalakkersuisunut apeqqut imaattoq matumuuna saqqummiuppara.

### **Naalakkersuisunut apeqqut:**

- 1) Umimmaqarfinni tamani pisasseeriaatsit qanoq ittut atorlugit umimmannik pisassiisoqartarpa?**
  - a. Umimmaqarfinni tamani umimmannik pisasseeriaaseq Naalakkersuisut allanngortinnissaanut pilersaaruteqarpat?**
  - b. Kommune Qeqertalimmi illoqarfinni nunaqafinnilu najugaqartunut taamaallaat Naternami umimmaat piniarneqarsinnaalernissaannut Naalakkersuisut pilersaaruteqarpat?**
- 2) Naternami umimmaat suna pissutigalugu ikinnerungaatsialernerat Naalakkersuisut paasissutissiisutiginnaavaat?**
  - a. Naternami nunap immikkoortuani sumi umimmaat ikinnerungaatsialersimappat?**
- 3) Naternami umimmaat qaqugu piniarneqaqqissinnaalissanersut naatsorsuutigineqassava?**
  - a. Naternami umimmaat piniaqqusaajunnaarnerat tammajuitsussarsiniarluni umimmanniartitsisartunut aamma atuuppa?**
  - b. Naternami umimmaat piniaqqusaajunnaarnerisa nalaani nakkutilliisoqarnissaa Naalakkersuisut qanoq qulakkeerniarpaat?**
- 4) Naternami umimmannik kisitsisoqarnissaa nunap immikkoortuani sumi, kikkut aammalu qanoq ingerlanneqartussaannersoq Naalakkersuisut nassuiarsinnaavaat?**

(Inatsisartunut Ilaasortaq Aqqa Samuelsen, Inuit Ataqatigiit)

### **Tungavilersuut:**

Naalakkersuisut nittartagaanni umimmaqarfinni Naternami inuussutissarsiutigalugu aamma sunngiffimmi umimmanniarneq kisitsisoqareernissaata tungaanut, umimmaat ikinnerungaatsialernerat tungavilersuutigalugu, ukiuni marlunni ukioq kaajallallugu matuneqassasoq nalunaarutigineqarpoq.

Naalakkersuisut erseqqissumik paasissutissiineq ajornerat peqqutigalugu Naternami umimmaat piniaqqusaajunnaarnerat susassaqtuniit paasiuminaatsinneqarpoq.

Naternami umimmanniarnermut susassaqtut eqqarsaatigalugit Naternami umimmaat piniaqqusaajunnaarnerat pillugu Naalakkersuisut erseqqinnerusumik paasissutissiinissaat pingaarutilerujussuuvoq. Tamatumalu ilutigisaanik Naternami umimmaat piniaqqusaajunnaarnerisa nalaani nakkutilliineq qanoq ittoq Naalakkersuisunit

qulakkeerniarneqarnersoq ilanngullugu paasissutissiissutigineqartariaqarluni, umimmannik piniqqusiunnaarneq pinngitsoorani nakkutilliinermik sukateriffiusumik kinguneqartariaqarmat.

Kommune Qeqertalimmi illoqarfinni nunaqarfinnilu najugaqartunuinnaq Naternami umimmaat piniarneqarsinnaalissanersut Naternami umimmanniarnermut susasaqartunut ilanngullugu paasissutissiissutigineqartariaqarpoq.

Ullut sulliviit qulit iluanni apeqqtinnut akissutit tigunissaannut qilanaarpunga.